

Na osnovu člana 69. stav (1), a u vezi sa članom 72. Zakona o visokom obrazovanju Kantona Sarajeva („Službene novine Kantona Sarajeva“ broj: 36/22), članova 111., 117. i 118. Statuta Univerziteta u Sarajevu broj: 01-14-35-1/23 od 26. 7. 2023. godine, te Odluke Vijeća Univerziteta u Sarajevu – Pravnog fakulteta broj: 01-642-1/25 od 4. 6. 2025. godine, Vijeće Univerziteta u Sarajevu - Pravnog fakulteta raspisuje

**JAVNI KONKURS
ZA IZBOR DEKANA UNIVERZITETA U SARAJEVU - PRAVNOG FAKULTETA
ZA MANDATNI PERIOD 2025-2029.**

Za dekana Univerziteta u Sarajevu - Pravnog fakulteta može biti izabran kandidat koji ispunjava sljedeće uslove:

- da je državljanin Bosne i Hercegovine;
- da je izabran u naučnonastavno zvanje vanrednog ili redovnog profesora na Univerzitetu u Sarajevu – Pravnom fakultetu;
- da je u radnom odnosu na Univerzitetu u Sarajevu – Pravnom fakultetu sa punim radnim vremenom.

Dekan Univerziteta u Sarajevu – Pravnog fakulteta u toku mandata ne može vršiti funkciju predsjednika ili člana Upravnog odbora Univerziteta u Sarajevu, obavljati funkcije u organima izvršne i zakonodavne vlasti, političkim strankama, te udruženjima/organizacijama iz oblasti sindikalnog organizovanja, kao i ostale funkcije čije je obnašanje ograničeno posebnim propisima.

Za vrijeme trajanja mandata dekan Univerziteta u Sarajevu - Pravnog fakulteta ne može istovremeno vršiti funkciju rukovodioca i zamjenika rukovodioca podorganizacione jedinice ili katedre.

Dekan Univerziteta u Sarajevu - Pravnog fakulteta bira se na mandatni period od četiri (4) godine.

Mandat dekana započinje 1. oktobra 2025. godine, a prestaje 30. septembra 2029. godine.

Uz svojeručno potpisanu prijavu na Javni konkurs kandidati su dužni priložiti:

- Biografiju (CV) sa bibliografijom, datiranu i potpisanu od strane kandidata;
- Program rada za četverogodišnji mandatni period, datiran i potpisan od strane kandidata (u štampanoj i elektronskoj formi – CD ili USB).
- Opis naučnog i stručnog rada, datiran i potpisan od strane kandidata;
- Uvjerenje o državljanstvu Bosne i Hercegovine (ne starije od tri (3) mjeseca);
- Izvod iz matične knjige rođenih;
- Potvrdu o radnom odnosu sa punim radnim vremenom na Univerzitetu u Sarajevu – Pravnom fakultetu (izdatu nakon objavljivanja Javnog konkursa u dnevnom listu na području Federacije BiH);
- Odluku Senata Univerziteta u Sarajevu o izboru u naučnonastavno zvanje vanredni profesor ili redovni profesor (posljednji izbor u naučnonastavno zvanje).

Svu traženu dokumentaciju kandidati prilažu u originalu ili ovjerenoj fotokopiji.

Kandidati koji ispunjavaju uslove za izbor dekana, javno će prezentirati ponuđeni program rada na izbornoj sjednici Vijeća Univerziteta u Sarajevu - Pravnog fakulteta.

Kandidat koji bude izabran za dekana Univerziteta u Sarajevu - Pravnog fakulteta, dužan je dostaviti:

Izjave potpisane i ovjerene od strane nadležne opštinske službe ili notara kojim kandidat potvrđuje:

1. da nije predsjednik ili član Upravnog odbora Univerziteta u Sarajevu;
2. da ne obavlja funkcije u organima izvršne i zakonodavne vlasti, političkim strankama, te udruženjima/organizacijama iz oblasti sindikalnog organizovanja, kao i ostale funkcije čije je obnašanje ograničeno posebnim propisima;
3. da ne vrši funkciju rukovodioca i zamjenika rukovodioca podorganizacione jedinice ili katedre.

Javni konkurs je objavljen u dnevnom listu „Dnevni avaz“, na internet stranici Univerziteta u Sarajevu - Pravnog fakulteta www.pfsa.unsa.ba i internet stranici Univerziteta u Sarajevu www.unsa.ba.

Rok za prijavljivanje kandidata je 15 (petnaest) dana od dana objavljivanja.

Prijave sa potrebnom dokumentacijom se dostavljaju u zatvorenoj koverti na protokol Univerziteta u Sarajevu - Pravnog fakulteta ili preporučeno putem pošte na adresu:

UNIVERZITET U SARAJEVU - PRAVNI FAKULTET
Ul. Obala Kulina bana 7, 71 000 SARAJEVO, sa naznakom:

„Prijava na Javni konkurs za izbor dekana – NE OTVARATI – OTVARA KOMISIJA“

Nepotpune i neblagovremene prijave neće se razmatrati.

Konkursna dokumentacija se neće vraćati kandidatima.

Kontakt osoba: Sekretar fakulteta, Haris Starhonić, BA iur., tel: 033/483-618, email: h.starhonic@pfsa.unsa.ba

NAPOMENA: Svi izrazi koji se koriste u tekstu Javnog konkursa, a imaju rodno značenje, koriste se neutralno i odnose se jednako i na muški i ženski rod.